




**Ayuntamiento de A Coruña**  
**Concello da Coruña**

Anotada en el Libro de Resoluciones de la Junta de Gobierno Local, con el núm: RES/AYT/15987/2023 29/08/2023

Area / Unidade RR.HH PE0000 ACL	Documento 108171098Z	
Código de verificación  055O 4M0B 1V1C 3Q6I 0HXR	Expediente 108/2023/1429	
	Data 25-08-2023	

**Asunto:** Convocatoria cobertura temporal posto secretario/a de concelleiro/a do Departamento de Alcaldía

## RESOLUCIÓN

### ANTECEDENTES DE FEITO

**Primeiro.-** O Director de Economía, Facenda e Réxime Interior con data 01/08/2023 e código de verificación 225P6Y101J400W340EYI remite ao Servizo de Recursos Humanos unha solicitude de convocatoria pública para a cobertura, mediante comisión de servizos, do posto de Secretario/a de Concelleiro/a.

Dita cobertura temporal de posto solicítase por razóns de interese público para auxiliar aos órganos superiores dos niveles esenciais da organización municipal, por tanto a súa cobertura é imprescindible para atender as necesidades de asistencia das novas concellerías.

**Segundo.-** Con data 02/08/2023 o Servizo de Recursos Humanos publica un anuncio de convocatoria para a cobertura temporal, entre outros, do seguinte posto de traballo:

- Secretario/a de Concelleiro/a (referencia 34).

No citado anuncio, indicase o persoal funcionario de carreira, que conforme a RPT vixente e as normas de xestión, reúnan os requisitos necesarios para a ocupación de este posto de traballo e que queiran participar nesta convocatoria, deberán presentar a correspondente solicitude nun rexistro municipal ou na sede electrónica, acompañada dun currículo, no prazo de 5 días hábiles, a contar desde a publicación do mesmo.

**Terceiro.** As características do posto de traballo a cubrir, segundo os datos que constan na Relación de Postos de Traballo vixente, son as que se detallan na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Dpto. Alcaldía	GA3000	Secret. Concell.	Secret. Concell.	34	C1/C2	18	AX/AE	FR06 ED

## CONSIDERACIÓNS LEGAIS E TÉCNICAS

**Primeira.-** O artigo 96 da Lei 2/2015, de 29 de abril, do emprego público de Galicia, regula a comisión de servizos voluntaria, onde establece que os postos de traballo reservados ao persoal funcionario de carreira pódense prover excepcionalmente e de maneira temporal mediante unha comisión de servizos voluntaria. O artigo 64.6 do Real Decreto 364/1995 de 10 de marzo polo que se aproba o Regulamento Xeral de Ingreso do Persoal ao servizo da Administración Xeral do Estado e de provisión de postos de traballo e promoción profesional dos funcionarios civís da Administración Xeral do Estado establece que aos funcionarios en comisión de servizos reservaráselles o posto de traballo, o que hai que relacionar que o apartado 8 do art. 4 do Decreto 92/1991 de 20 de marzo polo que se aproba o regulamento de situacións administrativas dos funcionarios da Administración da Comunidade Autónoma de Galicia dispón que a comisión de servizos será desempeñada voluntariamente salvo nos casos de carácter forzoso.

Así mesmo, o artigo 30 do Decreto 151/2022, do 4 de agosto, polo que se aproba o Regulamento dos procedementos de mobilidade do persoal funcionario de carreira da Administración xeral da CCAA de Galicia e das entidades públicas instrumentais integrantes do sector público autonómico, establece que o persoal funcionario de carreira con destino definitivo poderá ocupar, excepcionalmente e de maneira temporal, un posto de traballo en comisión de servizos de carácter voluntario sempre e cando pertenza ao corpo ou escala e reúna os demais requisitos que estableza a correspondente relación de postos de traballo.

As comisións de servizos poderán acordarse, entre outros supostos, para desenvolver un posto de traballo cando estea vacante; entendendo que un posto está vacante cando non ten titular, cando o seu titular estea ocupando outro posto en comisión de servizos ou cando estea de permiso por parto, permiso por adopción, garda con fins de adopción ou acollemento, ou permiso do proxenitor diferente da nai biolóxica por nacemento, acollemento, garda con fins de adopción ou adopción dun fillo ou filla.

O posto da RPT nº 34, de Secretario/a de Concelleiro/a, actualmente atópase vacante.

**Segunda.-** O Coordinador xeral da Área de Economía e Planificación Urbana, con data 24/08/2023 e código de verificación 0Z3U 066Q 726C 2W3V 01LG, unha vez examinadas as solicitudes recibidas e os CV dos candidatos presentados, emite unha proposta de nomeamento de Dona Elvira Morales Rega, en comisión de servizos, no posto de Secretaria de Concelleiro/a (ref. posto 34).

**Terceira.-** Cómpre indicar, en relación á motivación da adxudicación dun posto en comisión de servizos á persoa considerada máis idónea, a sentenza nº 472/2022 do 1 de xuño de 2022 do Tribunal Superior de Xustiza de Galiza, a cal establece que ao tratarse dun sistema excepcional e temporal non require un proceso de selección ordinario no que exista unha publicación dun baremo e unha valoración provisional de méritos. A comisión de servizos é unha vía excepcional de provisión temporal dun posto de traballo cuxa cobertura resulta necesaria e urxente a través da designación do persoal funcionario de carreira que resulte idóneo e cumpra as esixencias para o seu eficiente desempeño. Por tanto, esa nota de urxencia e idoneidade, outórgalle un plus de discrecionalidade á Administración convocante, respectando sempre os principios de igualdade, mérito e capacidade.

Por tanto, considerando a urxente necesidade de cobertura do posto de Secretario/a de Concelleiro/a (ref. posto 34) e co fin de que non se produza discontinuidade no funcionamento no Departamento de Alcaldía, e tendo en conta o disposto nos arts. 81 e 84 do Real Decreto Lexislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público, o art. 96 e ss da Lei 2/2015, de 29 de abril, do emprego público de Galicia, e o art. 30 do Decreto da Xunta de Galicia 151/2022, do 4 de agosto e demais normas concordantes, así como que a funcionaria proposta reúne os requisitos establecidos na RPT en vigor, procede destinar a Dona Elvira Morales Rega, en comisión de servizos, ao posto de traballo de Secretaria de Concelleiro/a, referenciado co número 34 na RPT.



**Cuarta.-** Esta comisión de servizos ten carácter temporal e a súa duración será de 6 meses. Dita comisión de servizos pode prorrogarse, respectando os límites máximos establecidos na normativa vixente, ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

As características do citado posto de traballo son as seguintes:

Servizo	Código	Unidade Org.	Posto	Ref.Posto	G	N	Esc	C.E.
Dpto. Alcaldía	GA3000	Secret. Concell.	Secret. Concell.	34	C1/C2	18	AX/AE	FR06 ED

**Quinta.-** Actualmente, a funcionaria proposta está ocupando o posto de traballo de asistente de administración, posto con referencia nº 58.

**Sexta.** O posto de orixe de Dona Elvira Morales Rega, segundo os datos que constan na Relación de Postos de Traballo, descríbese na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Secretaría Xeral	SG1000	Actividade Corporativa	Asistente de Administración	58	C1/C2	18	AG	FR06

**Sétima.-** Os custos que xere esta comisión de servizos atópanse orzados no grupo de programa 912 do orzamento prorrogado ao ano 2023, existindo crédito adecuado e suficiente para iso.

**Oitava.-** O órgano que ostenta a competencia en materia de persoal, segundo o disposto no art. 127.1. da Lei 7/1985, de 2 de abril, reguladora das Bases de Réxime Local, é a Xunta de Goberno Local. Por acordo da Xunta de Goberno Local de data 05/07/2023 (BOP 131 de 11/07/2023) atribúese delegación xenérica en materia de xestión de persoal ao Concelleiro responsable da Área de Economía e Planificación Urbana.

Á vista do informe emitido polo Servizo de Recursos Humanos, o Concelleiro responsable da Área de Economía e Planificación Urbana por delegación da Xunta de Goberno Local do 05/07/2023 (BOP núm. 131 do 11/07/2023), en uso das facultades que ten conferidas,

**RESOLVE:**

1.- Destinar a Dona Elvira Morales Rega (NIF \*\*\*7817\*\*) en comisión de servizos, ao posto de de Secretaria de Concelleiro/a (nº ref. 34).

As características do posto a ocupar son as descritas na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Dpto. Alcaldía	GA3000	Secret. Concell.	Secret. Concell.	34	C1/C2	18	AX/AE	FR06 ED

Os efectos económicos e administrativos desta comisión de servizos serán os do día da formalización da correspondente acta de aceptación.

2.- Esta comisión de servizos ten carácter temporal e a súa duración será de seis meses. Dita comisión de servizos pode prorrogarse, respectando os límites máximos establecidos na normativa vixente, ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

3.- Notificar a presente resolución á interesada e ao Departamento de Alcaldía.

A Coruña, na data da sinatura electrónica deste documento

A XUNTA DE GOBERNO LOCAL, P.D.

Concelleiro delegado responsable da Área de Economía e Planificación Urbana

José Manuel Lage Tuñas